

Den AMBIENTE



MARIACHI PERLA DI ARUBA TA LANSA NAN PROME C.D. "AMOR BERDADERO"

** Manera DEN AMBIENTE den caracter di primicia y exclusividad a publica aña pasa cu nos orguyo grupo di mariachi PERLA DI ARUBA ta trahando riba nan prome produccion di un disco compacto den Aruba Recording Studio y cu por spera esaki muy pronto.

Ayera DEN AMBIENTE a ricibi e grato bishita di Miguel v/der Linde kende ta e manager incansable di mariachi Perla di Aruba. Un Miguel v/der Linde cu un cara radiante sumamente contento a trese panos e produccion di e C.D. titula "AMOR BERDADERO".

Riba e C.D. ta aparece 10 cancion naturalmente musica ranchero, cualnan tur ta



propio composicion di Supriano v/der Linde, kende ta ser concidera como e Tata di musica ranchero aki na Aruba.

No obstante cu nos ta den e pleno ambiente di carnaval, na unda e musica carnavalesco ta dominando e mercado, tog segun Miguel v/der Linde cu nan ta hopi satisfecho con e produccion aki a ser ricibi den un forma sumamente positivo di parti di tur nan fanaticonan.

E manager incansable ta sigui amplia cu e C.D. aki ta bayendo manera pan cayente y no ta falta mucho pa e prome lote termina. "Mi ta kere cu ya caba nos tin cu bay solicita un otro cargacion", asina Miguel a

duna DEN AMBIENTE di conoce.

Tur esnan cu ta interesa den e bunita disco compacto aki, esaki ta posibel cerca: Supriano v/der Linde tel: 47245; Miguel v/der Linde tel: 48984; Leon Ras Tel: 47833 of 47811 y tambe cerca tur e demas integran-tenan di Mariachi Perla di Aruba.

DEN AMBIENTE ta desea nos orguyonan di MARIACHI PERLA DI ARUBA hopi exito cu nan prome disco compacto titula "AMOR BERDADERO", cual sigur lo ta un precioso regalo pa tur esnan cu ta STIMA DI BERDAD riba nan special "DIA DI SAN VALENTINO".

CARLOS OLARTE TABATA TIN E HONOR PA HABRI E SHOW DI E FAMOSO CANTANTE LEE TOWERS



** Recientemente e famoso cantante hulandes Lee Towers a duna un solo presentacion den Cabaret Royale di Windham Hotel & Casino, na unda nos cantante local Carlos Olarte tabatin e honor pa habri e show.

Carlos Olarte kende muy pronto lo bay lansa su mes

como solista cu su prome C.D. estilo romantico, a presenta dos di su cancionnan cu lo bay aparece riba su C.D. Esaki tabata un fantastico oportunidad pa Carlos Olarte, cual el a sa di probecha tambe, ricibiendo fuerte aplaasonan for di e grandioso publico.

Riba fotonan adhun- to por

aprecia Carlos Olarte den pleno actuacion, mientras por mira tambe e parehanan

"macambientje" cu no por a wanta nan emocion durante e tremendo presentacion di Lee Towers y a subi riba pista den style di "Langzaam en heerlijk preta dansen"...